

# Агроном Серк

(Т е д ж г)

Колхозин ахлач—Темәнур  
Көк Серк ирнә.  
Газрин тускд кучр  
Гавшун мергнән медүлнә.

Көдлмш хәәдж йовхан  
Күргәд дарунь келнә.  
Темән Серкиг дорнь  
Тәрәнд агроном тавнә.

Өөрхн бәәсн тәрәнур  
Өрлә агроном ирнә,  
Хәвстна икинъ үзчкәд  
Хальгдж сахлнь чичрнә.

Тәрәнә ургъцинъ ясрулхар—  
Темәнд өгсн үгән  
Худлч·мекч Серк  
Хооран гарн мартна.  
Турун өдрәсн авн  
Темсдин амтинъ авна,  
Туунәсн давад нам  
Тергәр зөблгъдг болна.

\* \* \*

Ааль гаргъсн агроном  
Андн болснь лавта.  
„Малан чонар хәрүлгъдгиг“  
Манахс яяхар бәәнәт?

БЕМБИН Тимофей